

15. Nonne mulieres genuerunt regem, & omnem populum, qui dominatur mari & terræ:
16. & ex illis nati sunt, & ipsæ educaverunt eos qui plantaverunt vineas ex quibus vinum fit?
17. Et ipsæ faciunt stolas omnium hominum, & ipsæ faciunt gloriam hominibus, & non possunt homines separari à mulieribus.
18. Si congregaverint aurum & argentum, & omnem rem speciosam, & viderint mulierem unam bono habitu & bona specie,
19. omnia hæc relinquentes in eam intendunt, & aperto ore conspiciunt, & eam alliciunt magis quam aurum & argentum, & omnem rem pretiosam.
20. Homo patrem suum relinquit qui enutrit illum, & suam regionem, & ad mulierem se coniungit.
21. Et cum muliere remittit animam: & neque patrem meminit, neque matrem, neque regionem.
22. Et hinc oportet vos scire: quoniam mulieres dominantur vestri. Nonne doletis?
23. Et accipit homo gladium suum, & vadit in viam facere furta, & homicidia, & mare navigare & flumina,
24. & leonem videt, & in tenebris ingreditur: & cum furtum fecerit, & fraudes & rapinas amabili suæ affert.
25. Et iterum, diligit homo uxorem suam magis quam patrem aut matrem.
26. Et multi dementes facti sunt propter uxores suas: & servi facti sunt propter illas:
27. & multi perierunt & iugulati sunt, & peccaverunt propter mulieres.
28. Et nunc credite mihi, quia magnus est rex in potestate sua: quoniam omnes regiones verentur tangere eum.
29. Videbam tamen Apemen filiam Bezacis, mirifici concubinam regis, sedentem iuxta regem ad dexteram,
30. & auferentem diadema de capite eius, & imponentem sibi, & palmis cædebat regem de sinistra manu.
31. Et super hæc aperto ore intuebatur eam: & si arriserit ei, ridet. Nam si indignata ei fuerit, blanditur, donec reconcilietur in gratiam.
32. O viri, cur non sunt fortiores mulieres? Magna est terra, & excessum est cælum: quis ista agit?
33. Et tunc rex, & purpurati intuebantur in alterutrum. Et inchoavit loqui de veritate.
34. O viri, nonne fortes sunt mulieres? Magna est terra, & excessum est cælum: & velox cursus solis convertit in gyro cælum in locum suum in una die.
35. Nonne magnificus est qui hæc facit, & veritas magna, & fortior præ omnibus?
36. Omnis terra veritatem invocat, cælum etiam ipsam benedicit, & omnia opera moventur, & tremunt eam, & non est cum ea quicquam iniquum.
37. Vinum iniquum, iniquus rex, iniquæ mulieres, iniqui omnes filii hominum, & iniqua illorum omnia opera, & non est in ipsis veritas, & in sua iniquitate peribunt:
38. & veritas manet, & invalescit in æternum, & vivit, & obtinet in sæcula sæculorum.
39. Nec est apud eam accipere personas, neque differentias: sed quæ iusta sunt facit omnibus, iniustus ac malignis, & omnes benignantur in operibus eius.
40. Et non est in iudicio eius iniquum, sed fortitudo, & regnum, & potestas & maiestas omnium ævorum. Benedictus Deus veritatis.
41. Et desit loquendo. Et omnes populi clamaverunt, & dixerunt, Magna est veritas, & prævalet.
42. Tunc rex ait illi, Pete, si quid vis amplius, quam quæ scripta sunt, & dabo tibi, secundum quod inventus es sapientior proximis, & proximus mihi sedebis, & cognatus meus vocaberis.
43. Tunc ait regi, Memor esto voti tui, quod vovisti, edificare Ierusalem, in die qua regnum accepisti:
44. & omnia vasa quæ accepta sunt ex Ierusalem, remittere, quæ separavit Cyrus, quando mactavit Babyloniam, & voluit remittere ea ibi.
45. Et tu vovisti edificare templum quod incenderunt Idu-

mæi, quando exterminata est Iudæa à Chaldeis.

46. Et nunc hoc est quod postulo Domine, & quod peto, hoc est maiestas quod à te postulo, ut facias votum quod vovisti regi cæli ex ore tuo.
47. Tunc surgens Darius rex, osculatus est illum: & scripsit epistolas ad omnes dispensatores, & præfectos, & purpuratos, ut deducerent eum, & eos qui cum illo erant, omnes ascendentes edificare Ierusalem.
48. Et omnibus præfectis, qui erant in Syria, & Phœnice, & Libano scripsit epistolas, ut traherent ligna cedrina à Libano in Ierusalem, ut edificarent cum eis civitatem.
49. Et scripsit omnibus Iudæis qui ascendeant à regno in Iudæam pro libertate, omnem potentem, & magistratum, & præfectum non supervenire ad ianuas ipsorum,
50. & omnem regionem quam obtinuerant immunem esse eis, & Idumæi relinquant castella quæ obtinent Iudæorum,
51. & in structuram templi dare per singulos annos talenta viginti, usque dum peredificetur:
52. & super sacrarium holocaustomata ustulare quotidie, sicut habent præceptum: alia talenta decem offerre per singulos annos,
53. & omnibus qui procedunt à Babylonia condere civitatem: ut esset libertas tam ipsis quam filiis eorum, & omnibus sacerdotibus qui præcedunt:
54. Scripsit autem & quantitatem, & sacram stolam iussit dari, in qua deservirent:
55. & Levitis scripsit dare præcepta, usque in diem qua consummabitur domus, & Ierusalem extruetur:
56. & omnibus custodientibus civitatem scripsit dari ei sortes & stipendia.
57. Et dimisit omnia vasa quæcumque separaverat Cyrus à Babylonia, & omnia quæcumque dixit Cyrus, & ipse præcepit fieri, & mitti Ierusalem.
58. Et cum processisset ille adolescens, elevans faciem in Ierusalem, benedixit regem cæli,
59. & dixit, Abs te est victoria, & abs te est sapientia & claritas. Et ego servus tuus sum.
60. Benedictus es qui dedisti mihi sapientiam, & tibi confitebor Domine Deus patrum nostrorum.
61. Et accepit epistolas, & profectus est in Babyloniam. Et venit, & nunciavit fratribus suis omnibus qui fuerunt in Babylonia:
62. & benedixerunt Deum patrum suorum, quoniam dedit illis remissionem & refrigerium,
63. ut ascenderent & edificarent Ierusalem, & templum ubi nominatum est nomen eius in ipso, & exultaverunt cum musicis & læticia diebus septem.

## CAPUT V.

*Redentes à Babylonia captivitate in Ierusalem, & Iudæam, recensentur, & restituntur Dei cultum; sed tandem à capto opere ad tempus impediuntur.*

1. Post hæc autem electi sunt, ut ascenderent principes pagorum per domos, & tribus suas, & uxores illorum, & filii & filia eorum, & servi & ancillæ ipsorum, & pecora eorum.
2. Et Darius rex misit unâ cum eis equites mille, donec deducerent eos in Ierusalem cum pace, & cum musicis & cum tympanis & tibiis.
3. & omnes fratres erant ludentes, & fecit eos ascendere simul cum eis.
4. Et hæc sunt nomina virorum, qui ascenderunt per pagos suos in tribus, & in partem principatus ipsorum.
5. Sacerdotes: Filii Phinees, filii Aaron, Iesus filius Iosedec, Ioachim filius Zorobabel filii Salathiel de domo David, ex progenie Phares, de tribu Iuda,
6. qui locutus est sub Dario rege Persarum sermones mirificos in secundo anno regni ipsius mense Nisan primo.
7. Sunt autem hi, qui ascenderunt ex Iudæa de captivitate transmigratis, quos transmigravit Nabuchodonosor rex Babyloniæ in Babylonem, & reversus est in Ierusalem.

8. Et

8. Et requisivit partem Iudææ unusquisque in civitatem suam, qui venerunt cum Zorobabel, & Iesu, Nehemias, Areores, Elimeo, Emmanio, Mardocheo, Beelsuro, Mechphator, Oloro. Emonia unus de principibus eorum.
9. Et numerus à gentilibus eorum, ex præpositis eorum filii Phares, duo millia centum septuaginta duo:
10. filii Ares, tria millia centum quinquaginta septem:
11. filii Phemo centum quadraginta duo: in filiis Iesu & Ioabes, mille trecenti duo:
12. filii Demu, duo millia quadringenti septuaginta: filii Choraba, ducenti quinque: filii Banica, centum sexaginta octo:
13. filii Bebech, quadringenti tres: filii Archad, quadringenti viginti septem:
14. filii Chan, triginta septem: filii Zoroar, duo millia sexaginta septem: filii Adin, quadringenti sexaginta unus:
15. filii Aderecis, centum octo: filii Caiso & Zelas, centum septem: filii Azoroc, quadringenti triginta novem:
16. filii Iedarbone, centum triginta duo: filii Ananæ, centum triginta: filii Afoni, nonaginta:
17. filii Marfar, quadringenti viginti duo: filii Zabaruz, nonaginta quinque: filii Sepolemon, centum viginti tres:
18. filii Nepopas, quinquaginta quinque: filii Nechanatus, centum quinquaginta octo: filii Cebethamus, centum triginta duo:
19. filii Crearpatros, qui Enocades, & Modix, quadringenti viginti tres: qui ex Gramas & Gabea, centum viginti unus:
20. qui ex Besselon, & Ceage, sexaginta quinque: qui ex Baltaro, centum viginti duo:
21. Qui ex Bechenobes, quinquaginta quinque: filii Liptis, centum quinquaginta quinque: filii Labouni, trecenti quinquaginta septem:
22. filii Sichein, trecenti septuaginta: filii Suadon, & Clionus, trecenti septuaginta octo:
23. filii Ericus, duo millia centum quadraginta quinque: filii Anaas, trecenti septuaginta. Sacerdotes:
24. Filii Iedus, filii Euther, filii Eliasb, trecenti septuaginta duo: filii Emerus, ducenti quinquaginta duo:
25. filii Pharusij, trecenti quinquaginta septem: filii Carce, ducenti viginti septem.
26. Levitæ: filii Iesu in Caduhel, & Bamis, & Serebias, & Edias, septuaginta quatuor. Omnis numerus à duodecimo anno, triginta millia quadringenti sexaginta duo,
27. filii, & filia, & uxores, omnis computatio, quadraginta millia ducenti quadraginta duo.
28. Filii sacerdotum, qui psallebant in templo: filii Afaph, centum viginti octo.
29. Ostiarii verò: filii Esmenni, filii Aser, filii Amon, filii Accuba, Topa filii Tobi, omnes centum triginta novem.
30. Sacerdotes servientes in templo: filii Sci, filii Gaspha, filii Tobloch, filii Carix, filii Su, filii Helli, filii Labana, filii Armacha, filii Accub, filii Utha, filii Cetha, filii Aggab, filii Obai, filii Anani, filii Cana, filii Geddu,
31. filii An, filii Radin, filii Defanon, filii Nacoba, filii Caseba, filii Gaze, filii Ozui, filii Sinone, filii Attre, filii Hasten, filii Afana, filii Manel, filii Nalsim, filii Acculu, filii Agista, filii Azui, filii Favon, filii Phafalon,
32. filii Meedda, filii Phusa, filii Carce, filii Barcus, filii Sarec, filii Coesi, filii Nasit, filii Agisti, filii Pedon,
33. Salomon filii eius, filii Afophot, filii Phafida, filii Celi, filii Dedon, filii Gaddahel, filii Sephegi,
34. filii Aggia, filii Sachareth, filii Sabathen, filii Caroneth, filii Malsith, filii Amæ, filii Sasus, filii Addus, filii Suba, filii Eura, filii Rahotis, filii Phasphat, filii Malmon.
35. Omnes sacro servientes, & pueri Salomonis, quadringenti odoginta duo.
36. Hi sunt filii qui ascenderunt à Thelmela, Telharfa: principes eorum, Carmellam, & Careth:
37. & non poterant edicere civitates suas, & progenies suas, quemadmodum sint ex Israël. Filii Dalari, filii Tubal, filii Nechodaici,
38. ex sacerdotibus, qui fungebantur sacerdotio: & non

- sunt inventi filii Obia, filii Achifos, filii Addin, qui accepit uxorem ex filiabus Phargeleii:
39. & vocati sunt nomine eius, & horum quæstia est generis scriptura in prædatura, & non est inventa, & prohibiti sunt sacerdotio fungi.
40. Et dixit illis Nehemias & Astharas, Ne participantur sancta, donec exurgat pontifex doctus in ostensionem & veritatem.
41. Omnis autem Israël erat exceptis servis & ancillis, quadraginta duo millia trecenti quadraginta.
42. Servi horum & ancillæ, septem millia trecenti triginta septem. Cantores & cantatrices, ducenti sexaginta quinque.
43. Cameli, quadringenti triginta quinque. Equi septem millia triginta sex. Muli, ducenta millia quadraginta quinque. Subiugalia, quinque millia viginti quinque.
44. Et de præpositis ipsis per pagos, dum venirent in templum Dei, quod erat in Ierusalem, voverunt suscitare templum in loco suo, secundum suam virtutem:
45. & dare in templum thesaurum operum sacrum auri mnas duodecim millia, & mnas argenti quinque millia, & stolas sacerdotales centum.
46. Et habitaverunt Sacerdotes & Levitæ, & qui exierant de plebe in Ierusalem & in regione, & sacri cantores, & ostiarii, & omnis Israël in regionibus suis.
47. Instante autem septimo mense, cumque essent filii Israël unusquisque in suis rebus, convenerunt unanimes in atrium, quod erat ante ianuam Orientalem.
48. Et stantes Iesus filius Iosedec, & fratres eius sacerdotes, & Zorobabel filius Salathiel, & huius fratres, paraverunt altare,
49. ut offerrent super illud holocaustomata, secundum quæ in libro Moysi hominis Dei scripta sunt.
50. Et convenerunt ibi ex aliis nationibus terræ, & crexerunt sacrarium in loco suo omnes gentes terræ, & offerrebant hostias, & holocaustomata Domino matutina.
51. Et egerunt scenopegiam, & diem solemnem, sicut præceptum est in lege: & sacrificia quotidie, sicut oportebat:
52. & post hæc oblationes institutas, & hostias sabbatorum, & neomeniarum, & dierum solemnum omnium sanctificationum.
53. Et quotquot volebant Domino à neomenia septimi mensis, cæperunt hostias offerre Deo, & templum Domini nondum erat ædificatum.
54. Et dederunt pecuniam lapidariis & fabris, & potum & pabula cum gaudio.
55. Et dederunt carra Sidoniis, & Tyriis, ut transveherent illis de Libano trabes cedrinæ, & facerent rates in Ioppe portu, secundum decretum quod scriptum erat eis à Cyro rege Persarum.
56. Et in secundo anno venientes in templum Dei in Ierusalem, mense secundo inchoavit Zorobabel filius Salathiel, & Iosue filius Iosedec, & fratres ipsorum, & sacerdotes & Levitæ, & omnes qui venerant de captivitate in Ierusalem:
57. & fundaverunt templum Dei novilunio secundi mensis secundi anni cum venissent in Iudæam & Ierusalem.
58. Et statuerunt Levitas à viginti annis, super opera Domini: & stetit Iesus & filius eius, & fratres omnes Levitæ conspirantes, & executores legis, facientes opera in domo Domini.
59. Et steterunt sacerdotes habentes stolas cum tubis: & Levitæ filii Afaph, habentes cymbala,
60. collaudantes Dominum, & benedicentes secundum David regem Israël.
61. Et cantabant canticum Domino, quoniam dulcedo eius, & honor in sæcula super omnem Israël.
62. Et omnis populus tubæ cecinerunt, & proclamaverunt voce magna, collaudantes Dominum in suscitatione domus Domini.
63. Et venerunt ex sacerdotibus & Levitis, & præsentibus secundum pagos senioribus, qui viderant pristinam domum:
64. & ad huius ædificationem cum clamore & planctu magno, & multi cum tubis & gaudio magno:

65. in

65. in tantum ut populus non audiret tubas propter plancum populi. Turba enim erat tubis canens magnificè, ita ut longè audiretur.

66. Et audierunt inimici tribus Iudæ, & Benjamin, & venerunt scire quæ esset vox tubarum.

67. Et cognoverunt quoniam qui erant ex captivitate, ædificabant templum Domino Deo Israël.

68. Et accedentes ad Zorobabel & Iesum, præpositos pagorum, dixerunt eis, Ædificabimus unà vobiscum:

69. Similiter enim audivimus Dominum vestrum, & ipsi pariter incedimus à diebus Asbarezth regis Assyriorum, qui transmigravit nos huc.

70. Et dixit illis Zorobabel, & Iesus, & principes pagorum Israël,

71. Non est nobis & vobis ædificare domum Dei nostri. Nos enim soli ædificabimus Domino Deo Israël secundum ea quæ præcepit nobis Cyrus rex Persarum.

72. Gentes autem terræ incumbentes his qui sunt in Iudæa, & levantes opus ædificationis & insidias, & populos adducentes prohibebant eos ædificare,

73. & aggressuras exercentes impediunt, ne consummaretur ædificatio omni tempore vitæ Cyri regis, & protraxerunt structuram per biennium usque ad Darij regnum.

## CAPUT VI.

*Iudei annuente Dario, templum Dei extruunt in Ierusalem.*

1. IN secundo autem anno regni Darij prophetavit Aggeus, & Zacharias filius Addin propheta apud Iudæam & Ierusalem in nomine Dei Israël super eos.

2. Tunc Itans Zorobabel filius Salathiel, & Iesus filius Ioseph, inchoaverunt ædificare domum Domini, quæ est in Ierusalem:

3. cum adessent eis propheta Domini, & adiuvarent eos. In ipso tempore venit ad illos Sifennes subregulus Syriæ, & Phœnicis, & Satrabuzanes, & sodales eius,

4. & dixerunt eis, Quo præcipiente vobis domum hanc ædificatis, & tectum istud, & alia omnia perficitis? & qui sunt constructores qui hæc ædificant?

5. Et habuerunt gratiam visitatione facta super eos, qui erant ex captivitate à Domino senioribus Iudæorum.

6. & non sunt impediti ædificare, donec significaretur Dario de omnibus istis, & responsum acciperetur.

7. Exemplum epistolæ, quam miserunt Dario. SISENNES subregulus Syriæ, & Phœnicis, & Satrabuzanes, & sodales eius in Syria, & Phœnicie præsidis, regi Dario salutem.

8. Omnia nota sunt domino regi, quod cum venissemus in regionem Iudææ, & introissemus in Ierusalem, invenimus ædificantes domum Dei magnam:

9. & templum ex lapidibus politis, & magnis & pretiosis materiis in parietibus,

10. & opera illa instantè fieri, & suffragare, & prosperrare in manibus eorum, & in omni gloria, quam diligentissimè perfici.

11. Tunc interrogavimus seniores, dicentes, Quo permitte vobis ædificatis domum istam, & opera hæc fundatis?

12. Ideo autem interrogavimus eos, ut notum faceremus tibi homines & præpositos, & nominum scripturam præpositorum postulavimus illos.

13. At illi responderunt nobis, dicentes, Nos sumus servi Domini, qui fecit cælum & terram,

14. & ædificabatur hæc domus ante annos istos multos à rege Israël magno & fortissimo, & consummata est.

15. Et quoniam patres nostri exacerbantes erant & peccaverunt in Deum Israël, tradidit eos in manus Nabuchodonosor regis Babylonie, regis Chaldæorum,

16. & domum istam demolientes incenderunt, & populum captivum duxerunt in Babylonem.

17. In primo anno regnante Cyro rege Babylonie, scriptus Cyrus rex domum hanc ædificare,

18. & illa sacra vasa aurea & argentea quæ extulerat Nabuchodonosor de domo quæ est in Ierusalem, & consecraverunt

rat ea in suo templo, rursus protulit ea Cyrus rex de templo quod erat in Babylonia, & tradita sunt Zorobabel, & Salmanafaro subregulo:

19. Et præceptum est eis ut offerrent hæc vasa, & reponebant in templo quod erat in Ierusalem, & ipsum templum Dei ædificare in loco suo.

20. Tunc Salmanafarus subiecit fundamenta domus Domini, quæ est in Ierusalem: & exinde usque nunc ædificatur, & non accepit consummationem.

21. Nunc ergo si iudicatur à te ô rex, perquiratur in regalibus Bibliothecis Cyri regis, quæ sunt in Babylonia:

22. & si inventum fuerit consilio Cyri regis cæptam esse structuram domus Domini, quæ est in Ierusalem, & iudicatur à Domino rege nostro, scribat de his nobis.

23. Tunc Darius rex præcepit inquiri in Bibliothecis: & inventus est in Ecbathanis oppido, quod est in media regione locus unus, in quo scripta erant ista:

24. ANNO primo regnante Cyro, rex Cyrus præcepit domum Domini quæ est in Ierusalem ædificare, ubi incendebant igni assiduo,

25. cuius altitudo sit cubitorum decem, & latitudo cubitorum sexaginta, quadratum lapidibus politis tribus, & meniano ligneo eiusdem regionis, & meniano uno novo, & impendia dari de domo Cyri regis:

26. & sacra vasa domus Domini tam aurea quam argentea, quæ extulit Nabuchodonosor in domum Domini, quæ est in Ierusalem, ubi erant posita, ut ponantur illis:

27. & præcepit curam agere Sifennem subregulum Syriæ, & Phœnicis, & Satrabuzanem, & sodales eius, & qui ordinati erant in Syria & Phœnicie præsidis, ut abstinerent se ab eodem loco.

28. Et ego quoque præcepi in totum ædificare: & prospexi, ut adiuvent eos qui sunt ex captivitate Iudæorum, donec consummetur templum ædis Domini:

29. & à vexatione tributorum Cælesyriæ & Phœnicis, diligenter quantitatem dari his hominibus ad sacrificium Domini, Zorobabel præfecto, ad tauros, & arietes, & agnos,

30. similiter autem & frumentum, & sal, & vinum, & oleum instantè per singulos annos, prout sacerdotes qui sunt in Ierusalem, dictaverunt consumi quotidie sine ulla dilatione,

31. ut offerantur libationes summo Deo pro rege & pueris eius, & orent pro ipsorum vita:

32. & denunciatur, ut quicumque transgressi fuerint aliquid ex his quæ scripta sunt, aut spreverint, accipiatur lignum de suis propriis, & suspendantur, & bona ipsorum regi ascribantur.

33. Propterea & Dominus, cuius nomen invocatum est ibi exterminet omnem regem & gentem, qui manum suam extenderit prohibere, aut malè tractare domum Domini illam quæ est in Ierusalem.

34. Ego Darius rex decrevi quàm diligentissimè secundum hæc fieri.

## CAPUT VII.

*Domus Dei extructa dedicatur & consecratur, in eaque festum Azymorum celebratur.*

1. Tunc Sifennes subregulus Cælesyriæ, & Phœnicis, & Satrabuzanes, & sodales obsecuti his, quæ à Dario rege erant decreta,

2. insistebant sacrosanctis operibus diligentissimè, cooperantes cum senioribus Iudæorum principibus Syriæ.

3. & prosperata sunt sacrosancta opera prophetantibus Aggeo & Zacharia prophetis.

4. Et consummaverunt omnia per præceptum Domini Dei Israël, & ex consilio Cyri, & Darij, & Artaxerxis regis Persarum.

5. Et consummata est domus nostra usque ad tertiam & vicissimam diem mensis Adar, sexto anno Darij regis.

6. Et fecerunt filii Israël & sacerdotes & Levitæ, & ceteri qui erant ex captivitate, qui appositæ sunt secundum ea quæ scripta sunt in libro Moyfi.

7. Et obtulerunt in dedicationem templi Domini, tauros

centum, arietes ducentos, agnos quadringentos, & hædos pro peccatis universi Israël, duodecim, secundum numerum tribuum Israël.

9. Et steterunt sacerdotes & Levitæ amici stolis per tribus super omnia opera Domini Dei Israël secundum librum Moyfi, & ostiarii per singulas ianuas.

10. Et egerunt filii Israël cum his qui erant ex captivitate, illud Phæse quartadecimâ lunâ mensis primi, quando sanctificati sunt sacerdotes & Levitæ.

11. Omnes filii captivitatis non sunt simul sanctificati, quia Levitæ omnes simul sanctificati sunt.

12. Et immolaverunt Phæse universi filii captivitatis, & fratribus suis sacerdotibus, & sibimetipsis.

13. Et manducaverunt filii Israël, qui erant ex captivitate omnes qui remanserant ab omnibus execrationibus gentium terræ quærentes Dominum.

14. & celebraverunt diem festum azymorum septem diebus epulantes in conspectu Domini,

15. quoniam convertit consilium regis Assyriorum in eos, confortare manus eorum ad opera Domini Dei Israël.

## CAPUT VIII.

*Ascendenti Esdra à Babylonia Ierosolymam traduntur Artaxerxis litteræ, quæ beneficia Iudæis præstita continent: recenserunt qui simul ascenderunt, & auro ac argento sacerdotibus commisso, Esdras facta oratione, commonet populum ad penitentiam quod ab alienigenis se non separassent.*

1. ET post hunc regnante Artaxerxe Persarum rege, accessit Esdras filius Azariæ, filii Helciæ, filii Solomæ, filii Sadoc, filii Achitob, filii Ameri, filii Azabel, filii Bocci, filii Abisue, filii Phinees, filii Eleazari, filii Aaron primi sacerdotis:

2. hic Esdras ascendit de Babylonia, cum esset scriba & ingeniosus in lege Moyfi, quæ data est à Domino Deo Israël docere & facere.

3. Et dedit ei rex gloriam, quod invenisset gratiam in omni dignitate & desiderio in conspectu eius.

4. Et ascendit simul cum ipso ex filiis Israël, & sacerdotibus & Levitis, & sacris cantoribus templi, & ostiariis, & servis templi in Ierusalem.

5. Anno septimo regnante Artaxerxe, in quinto mense, hic annus septimus est regni, exeuntes de Babylonia novilunio quinti mensis,

6. venerunt Ierosolymam iuxta præceptum illius secundum prosperitatem itineris à Domino ipsorum datam eis.

7. In his enim Esdras magnam disciplinam obtinebat, ne prætermitteret quidquam eorum, quæ essent ex lege Domini & præceptis, & docendo universum Israël omnem iustitiam & iudicium.

8. Accedentes autem, qui scribebant scripta Artaxerxis regis tradiderunt scriptum quod obvenerat ab Artaxerxe rege ad Esdras sacerdotem, & lectorem legis Domini, cuius exemplum subieciimus.

9. Rex Artaxerxes Esdræ sacerdoti, & lectori legis Domini salutem.

10. Humanior ego iudicans in beneficiis, præcepi eis qui desiderant ex gente Iudæorum sua sponte, & ex sacerdotibus & Levitis, qui sunt in regno meo, comitari tecum in Ierusalem.

11. Si qui ergo cupiunt ire tecum, convenient, & proficiantur sicut placuit mihi & septem amicis meis consiliariis,

12. ut visitent ea quæ aguntur secundum Iudæam & Ierusalem, observantes sicut habes in lege Domini,

13. & ferant munera Domino Deo Israël, quæ vovi ego & amici Ierusalem, & omne aurum & argentum, quod inventum fuerit in regione Babylonie Domino in Ierusalem cum illo,

14. quod est donatum pro ipsa gente in templum Domini eorum quod est in Ierusalem: ut colligatur hoc aurum & argentum ad tauros, & arietes, & agnos, & hædos, & quæ his sunt congruentia,

15. ut offerant hostias Domino super altare Domini ipso-

rum quod est in Ierusalem.

17. Et omnia quæcumque volueris cum fratribus tuis facere auro & argento, perfice pro voluntate tua secundum præceptum Domini Dei tui:

18. & sacrosancta vasa, quæ data sunt tibi ad opera domus Domini Dei tui, quæ est in Ierusalem:

19. & cetera quæcumque tibi subvenerint ad opera templi Dei tui, dabis de regali gazophylacio:

20. cum volueris cum fratribus tuis facere auro & argento, perfice secundum voluntatem Domini.

21. Et ego quidem rex Artaxerxes præcepi custodibus thesaurorum Syriæ & Phœnicis, ut quæcumque scripserit Esdras sacerdos, & lector legis Domini, diligenter detur ei usque ad argenti talenta centum, similiter & auri:

22. & usque ad frumenti modios centum, & vini amphoras centum, & alia quæcumque abundant sine taxatione.

23. Omnia secundum legem Dei fiant Deo altissimo, ne forte exurgat ira in regno regis, & filii, & filiorum eius.

24. Vobis autem dicitur, ut omnibus sacerdotibus & Levitis, & sacris cantoribus, & servis templi, & scribis templi huius,

25. nullum tributum, neque ulla alia inditio irrogetur, nec habeat quisquam potestatem objicere eis quicquam.

26. Tu autem Esdra secundum sapientiam Dei constitue iudices & arbitros in tota Syria, & Phœnicie: & omnes qui legem Dei tui non noverunt, doce:

27. ut quotquot transgressi fuerint legem, diligenter plectantur sive morte, sive cruciatu, sive etiam pecuniæ multatione vel abductione.

28. Et dixit Esdras scriba: Benedictus Deus patrum nostrorum, qui dedit hanc voluntatem in cor regis, clarificare domum suam, quæ est in Ierusalem,

29. & me honorificavit in conspectu regis, & consiliario-rum, & amicorum, & purpuratorum eius.

30. & ego constans animo factus sum secundum opitulationem Domini Dei mei, & congregavi ex Israël viros, ut simul ascenderent mecum.

31. Et hi sunt præpositi secundum suas patrias, & principatus portiones eorum qui mecum ascenderunt de Babylonia in regno Artaxerxis.

32. Et ex filiis Phares, Gersomus: ex filiis Siemarith, Amenus: filiorum David, Acchus filius Sceclia:

33. ex filiis Phares, Zacharias, & cum eo reversi sunt viri centum quinquaginta:

34. ex filiis ductoris Moabilionis Zaræi, & cum ipso viri ducenti quinquaginta:

35. ex filiis Zachues, Techonias Zecholei, & cum ipso viri ducenti quinquaginta:

36. ex filiis Sala, Maafias Gotholæ, & cum ipso viri septuaginta:

37. ex filiis Saphatiæ, Zarias Micheli, & cum ipso viri octoginta:

38. ex filiis Iob, Abdias Ieheli, & cum ipso viri ducenti duodecim:

39. ex filiis Baniæ, Salimoth, filius Iosaphiæ, & cum ipso viri centum sexaginta:

40. ex filiis Beer, Zacharias Bebei, & cum ipso viri ducenti octo:

41. ex filiis Ezead, Ioannes Eccetan, & cum ipso viri centum decem:

42. ex filiis Adonicam ipsi postremis, & hæc sunt nomina eorum, Eliphalam filius Gebel, & Semcias, & cum ipso viri septuaginta.

43. Et congregavi eos ad fluvium qui dicitur Thia, & metati fuimus illic triduo, & recognovi eos.

44. Et ex filiis sacerdotum & Levitarum non inveni illic.

45. Et misi ad Eleazarum, & Eccelon, & Masman, & Maloban, & Enaathan, & Samea, & Ioribum, Nathan, Enuagam, Zachariam, & Mosolanum ipsos ductores & peritos:

46. & dixi eis ut venirent ad Loddeum, qui erat apud locum gazophylacii.

47. Et mandavi eis ut dicerent Loddeo, & fratribus eius, & illis qui erant in gazophylacio, ut mitterent nobis eos